

40¹/₆

218-8

ՍՏ. ԶՈՐՅԱՆ



ԵԼԵՔՏՐԱԿԱՆ ԼԱՄՊԸ



ՍՏ. ԶՈՐՅԱՆ



ԵՒԵՔՏՐԵԿԱՆ ԼԵՍՊԸ

ՊԱՏԿԵՐԱԶԱՐԴԵՅ Մ. ԱՐՈՒՏՅԱՆ



№ 5.

„ՀԵՐՄԵՍ“ ՀՐԱՏԱՐԱԿԶՈՒԹՅՈՒՆ

ՅԵՐԵՎԱՆ — 1927

15528 (6)

A II 38318

ՏՊԱՐԱՆ ՀԵՐՄԵՍ
ՀՐԱՏԱՐԱԿԶՈՒԹՅԱՆ.
ՄԱՐՔՍԻ ՓՈՂ. № 29
ԳՐԱՌԵՊ. 913Բ
ՏԻՐԱԺ 2000



արնիգեղցի Պողոսը քառասուն տարեկան էր՝ դեռ քաղաք չէր տեսել։ Մի անգամ, ինչպես էր պատահել, ձեռք էր գցել աղվեսի մի մորթի։ Ուզում էր ծախել՝ գյուղում առնող չկար։ Հարևանները խորհուրդ տվին՝ տանի քաղաք։

— Քաղաքում լավ գին կտան, ասին,— վերկալու գնա։ Մի բան վոր հեռու չի. ըստեղից Երեւան յերկու որվա ճամպա յե։ Համ կը ծախես լավ գնով, համ ել տանդ համար եժան բան-ման կառնես։

Այսպես՝ աղվեսի մորթին պատճառ յեղավ, վոր Պողոսը գնա քաղաք։ Յերկու որում, իսկապես, հասավ Յերևան, մորթին ծախեց շուկայում ու այն է՝ ուզում էր վերադառնալ— փողոցում հանդիպեց մի հայրենակցի։ Բարեցին, խոսեցին ղեսից-դենից և, վերջը, հայրենակիցը, վոր կատապան էր քաղաքում, հրավիրեց նրան իր տուն։



— Մուժն ընկնում ե, ասավ, — արի. դիշերը կը քնես, առավոտը կերթաս:

Պողոսը համաձայնեց:

Գնացին տուն: Մինչև հասնելը՝ մուժն ընկավ, այնպես վոր յերբ տուն մտան, ելեքտրական լամ-



պը վառվում եր և հնքնայեռը խլթխլթում եր սեղանի վրա: Կառապանի կինն իսկույն սեղանը սարքեց. հաց բերեց, թեյ բերեց և նստեցին ընթրիքի:

Բոլոր այդ ժամանակ՝ մինչև սեղան պատրաստելը, Պողոսը նայում եր ելեքտրական լամ-

պին: Նայում եր բերանը բաց, զարմացած և ամենեկին ուշ չեր դարձնում հացի սեղանին:

— Հաց կեր, խնամի Պողոս, ասավ կառապանը, — ի՞նչ կա, վոր մտիկ ես անում եղպես:

— Ես ձեր լամպին եմ նայում, ախպեր, մի մատ շուշա ու եսքան լիս:

— Բա լեքտրական լամպը վո՞նց գիտես, — պարծեցավ կառապանը:

— Խի՞ վոր, սրա մեջ ուրիշ նավթ եք ածում, թե պատրուքն ե լավ:

— Չե, ասավ կառապանի կինը. — վոչ նավթ ենք ածում, վոչ ել պատրուք ունի. իրան-իրան վառվում ե ելի:

— Վոնց թե՛, — զարմացավ Պողոսը, — առանց նավթի՞ ու պատրուքի...

— Հա, ի հարկե, առանց նավթի ու պատրուքի: Բա լեքտրական լամպը վոնց գիտես, — նորից պարծեցավ կառապանը:

— Հրաշք բան ա, ախպեր, — քրթմնշաց Պողոսը նորից լամպին նայելով: Ու նայեց յերկար, նայեց զարմացած և, վերջը, հետաքրքրվեց, թե վորտեղից են առնում արդյոք այդ հրաշք լամպերը:

— Խանութներից, պատասխանեց կառապանը:

— Խանութներին... թանգ ա՛մ, եժա՛ն:

— Եժա՛ն. մի մանեթ...

— Մի մանեթ... «Ես լավ եմ, մտածեց Պողոսը, մի հատ ել յես առնեմ, հետո տանեմ, ել վոչ նավթի փող կը տանք, վոչ պատրուքի»:

Եղպես ել արավ: Յերբ առավոտը դուրս յեկավ հայրենակցի տնից, խանութներին մեկում գնեց ելեքտրական մի լամպ և ճամպա ընկավ դեպի Պարնիգեղ:





« Լավ ելավ, մտածում եր Պողոսը ճանապարհին.— ծախսերից կը թեթևանաք, կինս ել կուրախանա»:

Յերբ հասավ տուն, հարևանները հավաքվեցին գլխին խմանալու, թե աղվեսի մորթին քանիսով է ծախել, քաղաքում թանգություն է, եժանություն և կամ Պողոսն ինչ է բերել:

Պատասխանելով զանազան հարցերի, Պողոսը, վերջապես, խուրջինից հանեց էլեքտրական լամպը:

— Այ, ինչ եմ բերել—ասավ, լամպը գլխից բարձր բռնելով, վոր բոլորը տեսնեն:

— Դա ինչ բան ա,— հարցրին գյուղացիք.— եդ տանձի նման շուշեն:

— Էլեքտրական ա,— բացատրեց Պողոսը:

Գյուղացիները բան չհասկացան, թե «էլեքտրական» ինչ է: Այդ ժամանակ Պողոսը բացատրեց, վոր «էլեքտրականը» լամպ է և առանց նավթի, պատրուզի իրան-իրան վառվում է:

— Ձե մի—պողեր,—ծիծաղեցին գյուղացիք:

— Հիմի վոր վառվի՝ կը տենաք՝ պողեր ա թե լամպ,—պարծեցավ Պողոսը և կնոջը հրամայեց վոր մի թել բերի:

Յեվ յերբ կինը թելը բերեց, նա լամպը թելով կապեց և կախեց ոճորքից՝ ճիշտ այնպես, ինչպես քաղաքում կառապանի տանն եր կախված:

— Այ հիմի կը տենաք թե ինչ ա,—ասավ նա գործը վերջացնելուց հետո, ցած իջնելով:

Գյուղացիները մոտեցան լամպին, նայեցին, հոտ քաշեցին (նավթի հոտ չեր գալիս) և սպասեցին վառվելուն:

— Բա ես խի չի՞ վառվում,—ասավ մեկը:

— Նա իրա ժամանակը գիտի,—պատասխանեց Պողոսը.—յերբ վոր ժամանակը գալիս ա—իրան—իրան վառվում ա:

— Այ հրաշք... Բա ժամանակը յերբ ա...

— Ճրագվառոցին: Հենց վոր ճրագները վառում են, սա ել վառվում ա:

Մինչև ճրագվառոցը թեև բավական ժամանակ կար, բայց հարեանները չհեռացան: Նրանց վրա ավելացան նորերը, և բոլորը միասին՝ լամպի շուրջը խմբված, սպասեցին մինչև ճրագվառոց:

Սպասեցին այնքան, մինչև վոր գյուղի բոլոր տներում մեկը մյուսի յետևից վառվեցին նավթի լամպերը, ճրագները: Բայց «լեքտրականը» դեռ չեր վառվում:



— Բա ես վի՞նց ա, ժամանակը չեկա՞մ:

— Դեռ հլա չե: Երևանում ուշ ա մթնում,—պատասխանեց Պողոսը,—մի քիչ ել սպասեք՝ հիմի կը վառվի...

Անցավ մի ժամ, գյուղը բոլորովին մթնեց, նրա հետ և Պողոսի տունը: Խավարում չմնալու համար՝ կինն ուղեց նավթի լամպը վառել՝ Պողոսը չթողեց:

— Զուր նավթ մի փչացնիլ, ասավ.— հիմի վորտեղ վոր ե կը վառվի...

Սպասեցին ելի մի ժամ, յերկու ժամ— ելեքտրականը չվառեց:

Հարևանները կամաց-կամաց սկսեցին ցրվել տրանջալով.

— Մենք ել կարծում եյինք թե՛ բան ա:

— Զեր մեջ վառած ճրագն ել կը հանգչի, ուր մնաց թե հանգածը վառվի— պատասխանեց Պողոսը և մտածեց, վոր հարևաններն, անշուշտ, աչքով տվին լամպին, յեթե վոչ ինչո՞ւ չպիտի վառվեր:

— Հա՛, հա՛, աչքով տվին, ասում եր նա կնոջը, — անպատճառ աչքով տվին...



ինգ տարի հետո, յերբ Պարնի գեղի մոտիկ քաղաքում ելեքտրական կառուցին և նրա առատ լույսից բաժին ընկավ մյուս գյուղերի հետ նաև Պարնիգեղին, — Պողոսը, նրա հետ և մյուս գյուղացիները շատ բան հասկացան... Հասկացան, թե ինչ բան ե ելեքտրական լույսը, հասկացան, վոր ելեքտրական լամպը ինքն-իրեն չի վառվում, այլ նրան լույս են տալիս այն ջրերն ու մեքենաները, վոր աշխատում են քաղաքի ձորում:

A II 38318

15525
15525



ՍՏ. ԶՈՐՅԱՆԻ ՄԱՆԿԱԿԱՆ ԳՐՔԵՐԸ

ԼՈՒՅՍ ԵՆ ՏԵՄԵԼ

1. ՀԱԶԱՐԱՆ ԲԼԲՈՒԼԸ	.	.	.	45 կոպ.
2. ԾՈՎԱՆԸ	.	.	.	30 »
3. ՅԵՐԿԱԹՈՒՂԻՆ	.	.	.	25 »

ԼՈՒՅՍ ԿԸ ՏԵՄԵՆ

1. ԿԱՏՈՒՆԵՐ
2. ԽՈՒԺԱՆԸ
3. ՆՈՐ ԱՇԽԱՐՀ



ԳԱՍ Հիմնարար Գիտ. Գրադ.



220038318